

Communicaziun a las medias BCG

La Banca Chantunala Grischuna cun ina nova cumparsa online – pli mobila, survesaivla e svelta

Cuira, ils 4 da fanadur 2016 – La Banca Chantunala Grischuna (BCG) ha surlavurà cumpletta main sia pagina-web. La tecnologia moderna procura per ina preschentaziun optimada sin tut ils apparats d'emissiu. Grazia al design survesaivel ed a la navigaziun intelligente chattan las utilisadras ed ils utilisaders cun paucs clics anc pli svelti ils cuntegns giavischads.

Ils aspects decisivs d'ina buna cumparsa en l'internet èn ina concepziun grafica attractiva ed in diever favuraivel als utilisaders sin tut ils apparats d'emissiu. Ultra da quai è ina navigaziun intelligente l'element central da mintga pagina-web. Cun sia nova pagina-web porscha la BCG a sias visitadras ed a ses visitaders ina cumparsa moderna en l'internet cun in'offerta cumplexsiva da products e servetschs.

L'utilisaziun mobila stat en il center

L'internet mobil è oz ina part integrala dal mintgadi. Adina dapli umans dovran lur smartphone u tablet per tschertgar a moda cumadaivla infurmaziuns en l'internet u per reglar ils affars bancars. La nova cumparsa da la BCG en l'internet cun sia interfatscha d'utilisader reactiva optimescha tut ils cuntegns e procura per ina preschentaziun ideala sin tut ils apparats d'emissiu.

Pli svelti access als cuntegns

La pagina-web da la BCG cumpletta main surlavurada sa preschenta en ses nov design tematicamain pli effizienta e survesaivla. La navigaziun intelligente maina las utilisadras ed ils utilisaders cun paucs clics al cuntegn giavischà.

Prender decisziuns a moda pli simpla

Ultra da quai dispona la nova pagina-web gkb.ch davart novaziuns sco ina funcziun da chat cun il Center da contact u in formular per contactar la clientella telefonicamain. Uschia survegnan las clientas ed ils clients pli svelti ina resposta a lur dumondas. Cumparegliaziuns entaifer ina tscherta gruppa da products (cartas, contos, ipotecas) creschan ultra da quai la trasparenza necessaria per prender decisziuns.

Ulteriuras infurmaziuns davart la nova pagina-web da la BCG incl. film èn [disponiblas qua](#).

Contact per las medias:

Banca Chantunala Grischuna, Medias & Investor Relations, chascha postala, 7002 Cuira
Thomas Müller, thom.mueller@gkb.ch, telefon +41 81 256 83 11

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa l'052 collavuraturas e collavuratur (stadi dals 31-12-2015). En il chantun Grischun cun sias numerusas vals e pliras linguas, è l'interpresa represchentada cun 61 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg. En il quint annual preschenta ella cun ina summa da bilantscha da CHF 23,284 milliardas in gudogn dal concern da CHF 168,2 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestral 2016:	29 da fanadur 2016
Quint annual 2016:	10 da favrer 2017
Radunanza dals participants:	8 d'avrigl 2017